

武昌革命真史

上

曹 亚 伯 著

曹亞伯著

武昌革命真史

編前

复 印 说 明

本书作者曹亚伯，为革命团体“日知会”会员，后随孙中山革命。孙中山逝世后，曹隐居昆山，将其多年所藏“日知会”文书笔记及辛亥武昌革命一切文告、函电等等，写成此书，于1930年3月出版，由中华书局代发行。由于国民党内部派系意见，本书刚出版，即被销毁，流传极少。今据原本影印，供研究者参考。

武昌革命真史

曹亚伯著

*

上海书店印行

(上海福州路401号)

*

上海影印厂印刷

1982年2月 1—8500 (31—1) 全三册

定价 6.00 元

武昌革命真史

曹亞伯

自叙

革命者。本天性之慈悲。而爲世人除凶暴求平等之事業也。予生八歲。聞屠人語。中國人有辯。乃降服外國人之表誌。方今皇帝。卽外國人。予聞之憤甚。謂中國人不應許外人作皇帝。謹記之。因藐視讀書人之無志。惟斤斤於求爲翰林。從無敢求爲皇帝者。然於吾國之聖賢。極崇拜之。以其嘉言懿行。可爲斯人之圭臬也。聞耶穌教爲異端。痛惡之。年十五。至大冶縣福音堂。與駐堂教士張長善尋仇。大罵之曰。洋奴邪言惑衆。吾若得志。必殺盡若輩而後已。張對予唯微笑。予奇之。自揣設有人指予辱罵。吾必不然。旋張示予一書。名曰格物探源。乃上海廣學會所譯。予生長於極閉塞之興國州崇山中。見此新書。極其快意。欲借一讀。張故靳而不與。予強借。頓悟守舊之非。卽入大冶縣福音堂爲信徒。於是家庭革命、社會革命之思想。日往復於胸中。不顧自身之一切。時與舊習慣相抗矣。適家道中落。家君欲吾訓蒙。予向家慈求得川資。至武昌。考入農務學堂肄業焉。庚子秋七月二

十六日。唐才常革命案破。林述、唐傳致祥、李炳實、蔡承煜、王天嚙、黎科、瞿河清七人。於二十七日被張之洞殺於武昌之天符廟。予見其血。聞其血腥。心益悲痛。次日唐才常被殺於武昌之大朝街附近。許匯東親見之。聞其臨刑前之一剎那。曾口占一詩。有句云。剩好頭顱酬死友。無眞面目見羣魔。迄今猶雒誦不置。也是年冬。予考入兩湖書院。日與南齋王文豹、王愷憲、周震鱗、黃軫（即黃興）輩周旋。王寅春。兩湖輿地教授鄒沅帆先生。應清學部張百熙之召。調予與王文豹二人入京充編纂。臨行變計。派予與王文豹往湖南新化辦中學。予雖教博物及數學。然處處引發學生革命之思想。予憶授一加法命題。謂吳三桂引清兵入關時。大殺漢人在揚州十日。殺八十萬人在嘉定屠城三次。殺二十五萬人。其餘漢人因不肯蓄辯投降者。卽殺無赦。又殺十八省同胞幾三百萬人。共殺漢人若干云云。此予教法之一例也。予又教授柔軟體操。每上操場。必向學生演說漢人文弱被壓制之苦痛。是時譚人鳳在新化教小學。常率小學生來會操。聆演講。同時陳天華留學日本。專著革命小冊子。如警世鐘、猛回頭等。輸入湖南湖北之各學堂。各軍營中。而新化學界革命之思潮。幾不可遏止矣。是年秋。錢維驥來新化教國文。介紹禹之謨與余交因。

禹極抱亡國之痛也。冬假，予渡日本過長沙時，適經正學堂小學生胡宗琬（卽胡瑛至民國後失節勸進，種種無行，非意料所及），結黨暗殺劣紳王益吾未成，被國文教授陸詠霓革出。王君復生告予，予異之。卽介紹胡宗琬於建築武昌武普通學校之吳祿貞。是年吳祿貞與耿觀文、李書城亦游湘以覘革命運動之成績。癸卯三月，予復返新化中學。過武昌訪吳祿貞，問胡宗琬之行踪。彼已派至沙市、宜昌、湘西一帶與會黨聯絡去矣。先是劉敬安於武昌組織一救世軍，秘約軍中同志分途運動。聞胡宗琬將至鄂，會合於蛇山之頂，準備歡迎。到會者卽劉與辜天保、季雨霖、方柏年、張漢、徐竹平、徐于七人。胡至後，卽組織科學補習所於武昌山前東廠口。與劉敬安、馮特民、朱澤濤、時伯弼、宋教仁、易本義、張朗村、王漢、朱子龍輩分道進行。倘張之洞有招兵事，劉敬安必先知。因劉在南湖馬隊營，黎元洪營部充書記。予知黎元洪之名，從此始。胡宗琬卽用秘電招會黨來入伍。科學補習所專作介紹入伍機關。當時所用秘碼：招兵曰貨，俏速派弟兄們來曰辦貨，來兵器曰海帶。未介紹入伍之先，必受科學補習所之秘約。約中大意謂吾漢人四萬萬亡國於滿清之手。已二百數十年受盡苦痛。諸君此次入伍，務學成健兒，待時機至即起而革

命光復漢族爲一定之宗旨。其時張之洞所募新軍。大半科學補習所介紹之新貨也。予抵新化不及兩月。新化縣知事張某漸人向湘撫趙爾巽秘告予謀反叛逆。欲吾頸血染彼紅頂。不意趙爾巽怵於甲午之敗。亦頗有維新之隱衷。加以其人忠厚本性愛才不惟不究。反參去新化縣張知事永不錄用。而新化中學校董彭莊仲、晏穀如、鄒介人、伍子奇輩。雖久謀革命。終恐學校被予破壞。斯時新化留日陸軍學生楊源濬（字伯笙）新自東京歸。帶有陳天華之猛回頭七千冊。皆被諸校董焚去。予遂不願久留。即於五月下益陽至長沙。受錢維驥、童峙三及齊耀農所辦寧鄉中學之聘。兼任汪德植所辦求中學校及彭梅生所辦長沙中學之教席。聞黃吉亭牧師爲長沙聖公會會長。愛國心長。并辦有日知會以開民智。予遂依之。爾時黃興先由上海吳國光會長介紹。已與黃牧師相見。記名爲會員。從此學界軍界皆入於聖公會之門。而長沙之日知會乃極一時之盛。甲辰暑假中。予又至江西吉安府廖笏堂處運動軍隊。時笏堂爲統領。駐吉安。新化學生投其隨營學堂者不少。適廖往瑞昌辦教案。予從容向吉安民衆演說。并散猛回頭警世鐘諸書。吉安正府試。予洋裝無辯。聽演說者大半應試。生竟有人持予所散書至知府胡祖謙前。

告秘。江西巡撫夏時聞知。用萬急公文至吉安軍營指名捕予。就地正法。營中教授江形容秘書長張通煥送予川資三十串以行。予并不知有就地正法之公文。過南昌。又至郭人漳（字寶森）所辦之隨營學堂演說。次日即抵九江。乘輪上駛矣。予離吉安之次日。陳天華亦至吉安。因予案發。彼不能安居。遂由袁州經萍鄉而至長沙。受盡內地運動之折磨。予抵武昌。住科學補習所。吳祿貞邀予居其家。因匆匆不便。暫留科學補習所以便奔走。所中辦事極忙者。卽劉敬安、胡宗琬、宋教仁、易本義。時伯弼、朱子淘諸人。予因奔走過久。倦極軒睡。中有鼠齧予皮鞋。至真皮知痛。始驚而醒。所中無傭工。惟宋教仁、易本義常爲衆效勞。所中無用費。予曾向劉百剛借二十元接濟之。時忽屆秋。予復至長沙。每日於三學堂授課外。卽往日知會辦事。并每日按時至西長街循道會福音堂演說。凡以促革命之成功而已。甲辰九月。長沙革命失敗。長沙日知會亟遣人秘告武昌科學補習所。卽時停辦。以防株連。至冬假。予過武昌。知高家巷聖公會胡蘭亭牧師辦有日知會。又集合科學補習所同志劉敬安、馮特民輩全體加入。繼續革命之進行。乙巳。會務極發達。丙午。復設科學補習所於日知會內。一時軍學兩界聲氣互通。有若機括之將發。秋冬之

交郭堯階洩其謀於巡警道馮啟鈞。劉敬安朱松坪等被逮。而日知會科學補習所諸同志。遂分設各機關別立會名社名甚夥。而機事益密。此辛亥起義之前因也。噫。予愧不學少。未聞釋老孔墨諸勝義。及其長也。痛我政治不良。艷羨歐風。舉西來一切政教藝術。莫不推崇而樂從之。未免蔑視舊有禮教。而於家國之革命。不無過勇之愆。蓋道之真以治身。其緒餘以治國家。其土直以治天下。外重者內拙。意不誠。心不正。不足以言修齊治平也。自民國成立以來。吾同胞痛苦日增。乃至上無禮。下無學。賊民朋興。謂非革命者不能自苦以利天下之咎乎。嗚乎。予亦一罪魁也。予幸從故友張純一先生之規勸。虔誦佛經。已六年於茲。今始知基督教爲天魔外道。而儒道墨諸家所言之治道。尤宜潛心宣究。尤宜以佛教爲歸。則利他以自利。庶幾有利而無弊矣。予今爲此言。所以懺悔三十年來一切昏動之罪。亦以仰慰陳公星台在天之靈。更望後之言革命者。先自革其我見之非始也。各省革命之同志極多。予未能一一記錄。遺忘缺漏。知所不免。茲特就予所見聞之可言者。略爲紀述。以明真相。供史家採擇焉。

民國十六年六月十五日曹亞伯敘於嵐山之平居

武昌革命眞史前編目錄

頁 數

自敍

第一章 黃克強長沙革命之失敗

一

第二章 武昌日知會之運動

一〇

第三章 同盟會之成立及吳樾炸五大臣

一四

第四章 陳天華投海

二五

第五章 孫文革命之追記

九八

第六章 歐洲學生之革命潮

一二七

第七章 武昌日知會之破案

一二九

第八章 殷子衡之日記

一六三

第九章 被難各人略述

一八六

第十章 禹之謨之死難.....	一一〇三
第十一章 徐錫麟刺恩銘.....	一一一九
第十二章 各地紛起革命軍.....	一二三五
第十三章 廣州三月二十九日之役.....	一二五七
第十四章 楊篤生蹈海.....	二二六六
第十五章 鐵路國有問題與武昌起義前之準備.....	二二七七

武昌革命真史前編插圖目次

	頁 數
黃興先生遺像.....	四後 1
吳國光先生名片.....	四後 2
宋公教仁遺像.....	四後 3
長沙日知會賬目.....	四後 4
袁禮彬先生遺像.....	六後
劉公敬安辦日知會時之墨跡.....	一二後 1
乙巳春夏之交武昌日知會幹部攝影.....	一二後 2
吳公樾遺像.....	一六後
陳公天華遺像.....	二六後
孫公中山遺像.....	一一〇後
孫中山先生之遺墨(證道函).....	一一〇後

史公堅如遺像

一二六後

日知會捐冊之一頁（劉公敬安親筆）

一三〇後

鄒容先生遺像

一三四後

法人歐吉羅在武昌日知會演說後攝影

一四〇後

劉敬安先生遺像

一四六後1

劉敬安受刑後所用之血巾

一四六後2

馮啓鈞之名片

一五四後

殷子衡先生在獄中之肖像

一六四後

季公雨霖肖像

一七二後

武昌府札飭黃岡縣移解吳回籍禁之公文

一九四後1

陳汝慈求保開釋吳貢三所嵌之血結

一九四後2

黃州八屬之議員及當地官紳請吳貢三出獄組織軍政分府時簽名之攝影

一九六後

楊卓霖先生遺像	一一八後
徐公錫麟遺像	一一〇後
陳公伯平遺像	一三三後
馬公宗漢遺像	一三三後
秋瑾女烈士遺像	一三四後
熊公成基遺像	一三八後1
蔣公大同遺像	一三八後2
溫公生才遺像	一五六後
趙聲先生遺像	一五八後
黃克強胡展堂兩先生對黃花崗一役報告書真蹟	三四四後
楊公毓麟遺像	三六八後
楊公德麟遺像	三七六後

武昌革命眞史 前編

第一章 黃克強長沙革命之失敗

黃克強名軫字慶午原在胡元倓所辦之明德學堂經正學堂藉作教授以爲運動革命之大本營雖出入於聖公會之日知會仍別立一華興會以號召會黨秘圖起義甲辰秋本西太后六十生辰於未舉行皇會之前長沙之軍械幾何兵士幾何槍彈幾何已一一調查清晰原擬於皇會之日趁觀會之機俾各鄉之會黨得以集合於長沙義旗一舉長沙唾手可得不期好事多磨王益吾之黨羽劉作楫亦在長沙辦學堂得知消息遂密告王益吾王益吾卽秘告湘撫龐鴻書是時趙爾巽已他調矣龐鴻書極頑固兇殘即購一會黨作引線捕一與黃克強有關係之會黨酷刑拷打逼供一面下捕黃克強之居宅被軍警包圍矣黃克強之子黃一歐尙幼出門報信於明德學堂黃克強卽走避於明德學堂附近龍璋（字硯仙）之家其時已近黃昏尙距皇會之前十日也軍警索捕甚急金華祝

(字封三)張繼(字溥泉)輩時在黃克強左右。將夜半。予正在甯鄉中學教員寄宿舍編博物學課程。忽見金封三派人持信來。謂有要事相商。轎子已在校外立候。予閱之急甚。知克強之謀破矣。即出房門。將門加鎖。而鑰匙忘記帶出。再由窗戶入房拿出鑰匙。出校登轎。而各街柵欄均已加鎖。幸予着洋服。無辯。守卒以予爲洋人。一一由夢中醒來。開柵門讓予經過。予至龍硯仙家門口。有一警卒守衛。直入數進。至一花廳。見克強坐在書案。起立與予握手。謂事已被那人告秘。軍警捕之甚急。奈何。予云勿畏。即乘原轎至吉祥巷聖公會。叩黃吉亭牧師之後門。沿途叩柵欄如前。黃吉亭牧師宿於聖公會堂後門附近之一室。聞予叩門聲急。頗驚惶。便行祈禱。始稍定。開門後。予就黃牧師床前秘告以故。黃即穿衣坐予所乘之轎。予隨轎後行。重至龍硯仙之花廳。與克強討論出險方法。黃牧師先用溫語安慰克強。次對克強至友如龍硯仙金封三張溥泉李蓮舫諸人。謂此次事變。擔保克強之安全。但克強親友無論何人。不能向予問克強之行踪。次日風聲更急。又捕去同謀之會黨首領游得勝、蕭桂生二人。次晚黃牧師再至龍硯仙家。授以出龍公館之秘計。約定次日下午六時。先由黃牧師自南門乘小轎。垂轎簾而入龍硯仙之內室。隨換克

強乘此轎經小街而至吉祥巷聖公會之後街某娼家門首。下轎入聖公會後門之一小巷。予則於黃昏時專守聖公會後門以待之。黃牧師數易服裝出聖公會大門以探之。待至六時十分許。克強始入小巷抵聖公會之後門矣。予牽其手而入心始安。隨克強之轎而來冒充班隨者。卽張溥泉也。時將秋季。溥泉猶著藍竹布長衫。袋中盛一四寸手槍。謂途中苟遇不測。只好用手槍拚命。予是以重視溥泉之爲人。予見手槍此爲第一次。溥泉別去。克強卽登聖公會後進之一樓。樓上亦無陳設。僅安置袁禮彬之行軍床。與一小桌一小櫈。予托黃牧師由漢口買來一新棉絮。卽與克強墊鋪。予則僅蓋一日本製造之虎紋毛毯。青年時代固不畏寒也。克強在聖公會樓上除黃牧師、袁禮彬及予外。無一知者。長沙城內風聲鶴唳。幾乎草木皆兵。而游得勝、蕭桂生所受之酷刑。聞之酸鼻。每日審問必燒紅鐵鍊。使之露膝跪下。跪下時膝肉生烟。其聲其臭。熏聞滿座。脚擦手扭。鐵鍊叮噹。更上夾板。骨肉分裂。迨至痛失知覺。卽橫陳未斷氣之身體於石板上。至稍知人事時。復嚴刑逼供。酷刑之下。何供不得。由是黃克強之大名。居然列案首矣。而宋教仁胡宗琬易本義馬福益柳聘農劉揆一輩。名皆前列。按名索捕。急於星火。予奔走於聖公會之日。